



Planuar / Dorezuar Priljenol/Prodato Received/Delivry	02-08	2	vit Year
Organ /Njesia Organ /Jedinita Org./Unit	Nr Prot Br Prot Prot No	Shtesa Prilog Appendix	Sasia Kolicina Quantity
SKRIPSHIK	4461/2022		116



Republika e Kosovës
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.547/2022

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave në përbërje nga: Eshref Shabani-kryetar, Malsore Gashi-Bajraktari dhe Jeton Koca-anëtarë dhe Flakron Gashi-Zyrtar i Lartë për Bashkëpunim Profesional, në cilësinë e procesmbajtësit, ka shqyrtuar ankesën me numër A.nr.547/2022 të datës 20.06.2022 të parashtruar nga ankuesja kundër Vendimit me numër:12/2022 të Departamentit për Menaxhimin e Zyrtarëve Publik i datës 10.05.2022, në çështjen juridike “transfer”, duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.6 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, me datë 01.08.2022, mori këtë:

V E N D I M

- I. SHFUQIZOHET Rekomandimi i Komisionit të Ristrukturimit për Ministrinë e Punëve të Jashtme dhe Diasporës i datës 22.04.2022 drejtuar Departamentit për Menaxhimin e Zyrtarëve Publik.
- II. OBLIGOHET Komisionin i Ristrukturimit për Ministrinë e Punëve të Jashtme dhe Diasporës që të *rishqyrtojë* lëndën e ankueses lidhur me transferimin e saj.
- III. OBLIGOHET Sekretari i Përgjithshëm i Ministrisë së Punëve të Jashtme dhe Diasporës që të ndërmarrë të gjitha veprimet e nevojshme ligjore me qëllim të zbatimit të këtij vendimi në afat prej 15 ditësh nga dita e pranimit të tij.
- IV. Këshilli i Pavarur Mbikëqyrës për Shërbimin Civil të Kosovës duhet të njoftohet me shkrim pas ndërmarrjes së veprimeve në pajtim me këtë vendim.

Ar sy e t i m

Ankuesja, e cila sipas shkresave të lëndës është e punësuar në Ministrinë e Punëve të Jashtme dhe Diasporës, kundër Vendimit Nr.12/2022 për transferim të datës 10.05.2022 të Zv/Drejtoreshës së Departamentit për Menaxhimin e Zyrtarëve Publik/MPB ka parashtruar ankesë në Këshillin e Pavarur Mbikëqyrës për Shërbimin Civil të Kosovës me pretendimet ankimore se pozita në të cilën është transferuar nëpunësi civil S.U, ka qenë pozitë për të cilën paraprakisht ka shpreh interes ankuesja sipas njoftimit të datës 04.04.2022 dërguar Udhëheqësit të Njesisë për Menaxhimin e Burimeve Njerëzore të MPJD-së.

Këshilli i Pavarur Mbikëqyrës për Shërbimin Civil të Kosovës, bazuar në dispozitat e Rregullores Nr.02/2018 për Procedurën e Shqyrtimit dhe Vendosijes së Ankesave, ankesën e ankueses e ka proceduar për përgjigje në ankesë në Ministrinë e Punëve të Jashtme dhe Diasporës. Këshilli, me datë 08.07.2022 me numër protokoli 3993/2022 ka pranuar përgjigjen në ankesë se bashku me shkresat e bashkëngjitura të lëndës.

Kolegji për shqyrtimin dhe vendosjen e ankesave ka administruar këto prova: Ankesën A.nr.547/2022 të datës 20.06.2022, me numër protokoli 3582/2020 të parashtruar në Këshillin e Pavarur Mbikëqyrës për Shërbimin Civil të Kosovës; Akt emërimit e ankueses i datës 12.10.2015 me numër prot:1577; Njoftimin për konfirmimin e aktit të emërimit i datës 14.09.2016; Njoftimin e datës 15.03.2022 me numër prot:841; E-mailin e datës 02.02.2022 dërguar nga Zyra e Sekretarit të MPJD-së për ankuesen dhe stafin e MPJD-së; E-mailin e datës 04.02.2022 dërguar nga Zyra e Sekretarit të MPJD-së për ankuesen dhe stafin e MPJD-së; E-mailin e datës 01.04.2022 dërguar nga V.B; E-mailin e datës 04.04.2022 dërguar nga ankuesja për V.B me njoftimin e bashkëngjitur; CV-në e ankueses; Letër motivimin e ankueses; E-mailin e datës 17.05.2022 dërguar nga ankuesja për V.B; Kërkesën e dërguar përmes e-mailit të datës 23.05.2022 nga ankuesja për SH.L; E-mailin e datës 31.05.2022 dërguar nga A.H për ankuesen; E-mailin e datës 31.05.2022 dërguar nga ankuesja për V.B; E-mailin e datës 27.05.2022 dërguar nga për ankuesen; Lista e të punësuarve në MPJD me renditjen sipas strukturës organizative; E-mailin e datës 23.08.2021 dërguar nga L.H për ankuesen; E-mailin e datës 26.08.2022 dërguar nga ankuesja për L.H; Formulari për vlerësimin e rezultateve në punës për ankuesen i datës 27.01.2021; Formularin për vlerësimin e nëpunësve të shërbimit të jashtëm i vitit 2020 për ankuesen; Formularin për vlerësimin e nëpunësve të shërbimit të jashtëm i vitit 2021 për ankuesen; kërkesën e këshillit për Përgjigje në ankesë të datës 29.06.2022; Përgjigjen në kërkesë e pranuar me datë 08.07.2022 dhe numër prot:3995/2022; E-mailin e datës 04.07.2022 dërguar nga K.K për Këshillin me shkresat e lëndës; Vendimin e nxjerrë nga DMZP me datë 24.02.2022 për themelimin e Komisionit të Ristrukturimit për Ministrinë e Punëve të Jashtme; E-mailin e datës 11.03.2022 dërguar nga S.K për V.B; E-mailin e datës 10.03.2022 dërguar nga Sh.L për S.K; Vendimin për miratimin e përshkrimit të detyrave të punës i datës 16.03.2022 me numër prot:870; Shkresën e Komisionit të Ristrukturimit e titulluar Metodologjia e vlerësimit dhe sistemi i pikëzimit për kriteret e vlerësimit; Raporti i punës dhe propozimet e Komisionit për Ristrukturimin e Ministrisë së Punëve të Jashtme dhe Diasporës i datës 14.04.2022; Raporti i punës dhe propozimet e Komisionit për Ristrukturimin e Ministrisë së Punëve të Jashtme dhe Diasporës i datës 22.04.2022; Shtojca: II-Formula e Vlerësimit; Vendimin për transferimin e nëpunësit S.U me numër:12/2022 i datës 10.05.2022 i nxjerrë nga DMZP; Çertifikatën e ankueses të datës 01.02.2016; Çertifikatën e ankueses të datës 25.09.2022; Mirënjohjen e datës 26.11.2012; Mirënjohjen e datës 25.03.2008; Mirënjohjen e datës 20.05.2010; Mirënjohjen e datës 01.10.2017; Mirënjohje e datës 08.11.2017; Mirënjohje e periudhës dhjetor 2017; Mirënjohje e datës 06.07.2015; Mirënjohje e datës 19.04.2002; Çertifikatën e datës

04.04.2008; Diplomën e datës 15.08.2003; Diplomën e datës 26.07.2002; Çertifikatën e datës 26.10.1999; Çertifikatën e datës 21.12.2000; Çertifikatën e periudhës maj 2003; Vërtetimin e datës 20.06.2003; Vërtetimi e datës 25.11.2009; Çertifikatën e datës 09.11.2001; Çertifikatën e datës 31.10.1993; Çertifikatën e datës 01.01.2000; Çertifikatën e datës 25.10.2000; Çertifikatën e datës 07.11.2006; Akt Emërim i pozitës Drejtor i Departamentit për Çështje Rajonale i datës 01.11.2011; Aktvendim - Akademia e Shkencave dhe Arteve të Kosovës Certifikatë - Java e Albanologjisë 2010; Certifikatë e Bursës - DAD Certifikatë e marrëdhënies së punës - ZKM - 18.07.2008; CV - 2022 e nëpunësit civil S.U; Dëshmi - Redaktor në botimin e Fjalorit Enciklopedik të Kosovës; Dëshmi e gazetës Rilinda ne vitin 1999; Kontratë e marrëdhënies së punës - MPJ - 17.05.2009-16.05.2012; Kontratë e marrëdhënies së punës në ZKM për periudhën 16.05.2006 - 16.05.2009; Kontratë mbi vepër - Akademia e Shkencave dhe Arteve të Kosovës - 2014; Kontratë mbi vepër - Akademia e Shkencave dhe Arteve të Kosovës 2019; Marrëveshje për transfer të përhershëm MPJ & Agjencia Shtetërore e Arkivit & Dokumente tjera i datës 13.10.2011; Note Verbale - I ngarkuar me punë përkohshëm - Shqipëri në vitin 2016; Provimi i gjuhës gjermane Universiteti i Kasseli Gjermani; Rekomandim për ngritje të gradës Ministër-fuqiptotë A.Z Qershor 2020; Rekomandim për ngritje të gradës Ministër-fuqiptotë D.P Dhjetor 2020; Shkresë Emërimi më shifër ZKM i periudhës kohore 14.01.2003-14.04.2003; Shkresë Emërimi nga ZKM për periudhën 15.04.2003 deri 15.04.2006; Shkresë Emërimi - ZKM - 21.08.2002-21.11.2002; Shkresë Emërimi - ZKM - 22.11.2002-21.08.2003; Vendim për emërim - I ngarkuar me punë i përkohshëm Tiranë, Shqipëri - 05.01.2018; Vendim për kthim nga misioni i datës 15.11.2019; Vendim për lëvizje paralele - Zyrtar i lartë i seksionit për marrëdhënie dy palshe i datës 09.07.2008 ;Vendim për miratim të gradës diplomatike Këshilltar i datës 30.04.2014; Vendim për sistemim të përkohshëm Udhëheqës i Departamentit për Çështje Politike i datës 15.11.2019; Vendim për transfer nga ZKM në MPJ i datës 16.07.2008; Vërtetim - Arkivi Shtetëror i Kosovës - Drejtor i Departamentit të A.Sh. për kohën nga data 01.10.2009 deri 01.11.2011; Vërtetim - Fakulteti i Edukimit në cilësi të Ligjëruesit nga data 10.11.2012-deri më 02.03.2013; Vërtetim - Ministria e Kulturës, Rinisë, Sportit për periudhën nga 18.12.2000 deri 31.12.2002 ; Vërtetim lëshuar nga Ministria e Kulturës, Rinisë, Sportit për periudhën nga 18.12.2000 deri 31.12.2002; Vërtetim i lëshuar nga MPJ/Divizioni i Personelit i datës 09.06.2020; Vërtetim i lëshuar nga MPJ/Divizioni i Personelit 09.09.2015 Vërtetim i lëshuar nga MPJ/Divizioni i Personelit i datës 20.07.2009; Vërtetim i MPJ/Divizioni i Personelit që nuk ka të shqiptuar masë disiplinore 23.07.2021; Vërtetim /Rilindja nga data 01.06.1996 deri më 01.10.1999; Vërtetim i lëshuar nga Shkolla e mesme bujqësore "Zeneli Hajdini"/01.09.2000-31.12.2001; Vërtetim i lëshuar nga UBT për nëpunësin S.U; Vlerësimi i L.B ne mbarim te misionit për S.U; Vendimi me shifër 714 DMZP-MPB; Akt Emërim - Udhëheqës i Departamentit për Çështje Politike i datës 18.12.2019; E-mailin e datës 27.07.2022 me numër prot:4335/2022 dërguar nga K.K për Këshillin; Diplomën e ankueses të datës 24.01.2006 me nr:616; Diplomën e datës 15.12.2014 me nr:38/14; E-mailin e Menaxherit të Njësisë së Burimeve njerëzore të MPJD i datës 26.07.2022; Letër interesin e nëpunësit civil S.U; Përshkrimin e detyrave të punës dhe kriterëve për pozitën Drejtor i Departamenti për Diasporë në MPJD; E-mailin, e datës 27.07.2022 të Menaxherit të Njësisë së Burimeve Njerëzore të MPJD.

Kolegji për Shqyrtimin dhe Vendosjen e Ankesave, ka shqyrtuar të gjitha shkresat e lëndës të parashtruara nga palët dhe ka konstatuar se ekziston baza ligjore që lënda e ankueses të kthehet te Komisioni i Ristrukturimit për Ministrinë e Punëve të Jashtme dhe Diasporës i cili është i obliguar që të *rishqyrtojë* lëndën e ankueses lidhur me transferimin e saj, *sepse*:

Kolegji për Shqyrtimin dhe vendosjen e ankesave, ka konstatuar se ankuesja në bazë të Aktit të Emërimit të datës 12.10.2015 me numër protokolli:1517 është e punësuar në Ministrinë e Punëve të

Jashtme dhe të Diasporës, në pozitën: "Udhëheqëse e Departamentit për Qendrat Kulturore të Diasporës", ndërsa Komisioni i Ristrukturimit për Ministrinë e Punëve të Jashtme dhe Diasporës i ka rekomanduar/propozuar me datë 22.04.2022 Departamentit për Menaxhimin e Zyrtarëve Publik/MPB që ankuesen ta transferojnë në pozitën: "Drejtor i Departamentit për Planifikim dhe Analiza Socio-Ekonomike Rajonale në Ministrinë e Zhvillimit Rajonal", mirëpo e njëjta deri me tani nuk është transferuar as në pozitën sipas preferencës së shprehur dhe as në pozitën e rekomanduar nga Komisioni i Ristrukturimit.

Kolegji i Këshillit sipas shkresave të lëndës ka gjetur se ankuesja me datë 01.04.2022 është njoftuar nga Udhëheqësi i Njesisë për Menaxhimin e Burimeve Njerëzore të MPJD-së pasi që me rastin e ristrukturimit të institucionit me qëllim transferimin në të njëjtën kategori e njëjta mund të shpreh interes për tri (3) preferenca, me specifikacionin se preferencat e shprehura nuk kanë karakter obligues, ndërsa ankuesja përmes e-mailit të datës 04.04.2022 me qëllim të përgjigjes në njoftimin e datës 01.04.2022 ka shprehur interes që e njëjta të transferohet në pozitën Udhëheqëse e Departamentit për Diasporë, mirëpo sipas shkresës njoftuese të dërguar nga Njësia për Menaxhimin e Burimeve Njerëzore të MPJD-së të cilën Këshilli e ka pranuar me datë 08.07.2022 theksohet fakti se Komisioni i Ristrukturimit për Ministrinë e Punëve të Jashtme dhe Diasporës përmes raportit të datës 19.04.2022 e ka rekomanduar Departamentin për Menaxhimin e Zyrtarëve Publik që ankuesen ta transferojë në një institucion tjetër të shërbimit civil pas që ankuesja nuk i plotëson kushtet për kualifikimet e posaçme formale të miratuara nga DMZP/MPB në asnjë nga pozitat e lira të mbetura për Drejtor Departamenti në kuadër të MPJD-së.

Po ashtu, pas përgjigjes së marrë me datë 21.04.2022 nga Departamenti për Menaxhimin e Zyrtarëve Publik/MPB, Komisioni i Ristrukturimit me datë 22.04.2022 i propozon Departamentit për Menaxhimin e Zyrtarëve Publik që ankuesja të transferohet në pozitën Drejtor i Departamentit për Planifikim dhe Analiza Socio-Ekonomike Rajonale, më Ministrinë e Zhvillimit Rajonal, ndërsa sipas shkresës së datës 08.07.2022 të Udhëheqësit të Njesisë së Burimeve Njerëzore të MPJD-së, Departamenti për Menaxhimin e Zyrtarëve Publik ende nuk ka nxjerrë Vendim për transferimin e ankueses, ndërsa ankuesja me datë 23.05.2022 i është drejtuar me kërkesë Departamenti për Menaxhimin e Zyrtarëve Publik që të njëjtit ta transferojnë ankuesen në pozitën e Udhëheqësit të Depërtonit për Diasporë, mirëpo në të njëjtën pozitë Departamenti për Menaxhimin Zyrtarëve Publik kishte nxjerr vendim për transferimin e nëpunësit civil për të njëjtat arsye dhe në të njëjtën procedurë për shkak të ristrukturimit të institucionit i cili po ashtu kishte shpreh interes në të njëjtën kohë respektivisht me datë 04.04.2022 sikurse ankuesja, dhe po ashtu Departamenti për Menaxhimin e Zyrtarëve Publik përmes e-mailit të datës 31.05.2022 e ka njoftuar ankuesen se nëse e njëjta vlerëson se i janë cenuar të drejtat nga marrëdhënia e punës mund të parashtrojë ankesën në Këshillin e Pavarur Mbikëqyrës për Shërbimin Civil të Kosovës.

Ankuesja, ankesën e datës 20.06.2022 të parashtruar në Këshill e ka plotësuar me pretendime shtesë përmes shkresës së datës 26.07.2022 me numër protokollit: 4315/2022 pasi që sipas ankueses e njëjta vazhdon të jetë e pa sistemuar përderisa Ministria e Punëve të Brendshme dhe Diasporës ka shpallur konkurse sipas njoftimit të datës 20.07.2022 për datat e aplikimit nga 05.08.2022-19.08.2022 për pozitat si në vijim: Drejtor i Departamentit për Çështje Ligjore dhe Traktate; Drejtor i Departamentit për Diplomaci Publike; dhe Drejtor i Departamentit për NATO dhe Politika të Sigurisë, dhe mbi këtë bazë respektivisht bazuar në njoftimin për shpalljen e konkursit, Kolegji ka konstatuar se për të gjitha pozitat e shpallura kërkohen edhe kualifikime të posaçme formale, respektivisht për pozitën Drejtor i Departamentit për Çështje Ligjore dhe Traktate kërkohet: "Njohje e gjuhës angleze në nivelin

C1-C2 (e obliguar). Njohja duhet të dëshmohet përmes certifikimit nga një institucion i akredituar vendor ose ndërkombëtar ose studime të kryera në një universitet vendor në gjuhën angleze ose në një universitet jashtë vendit në gjuhën angleze”, për pozitën Drejtor i Departamentit për Diplomaci Publike kërkohet: “Njohje e gjuhës angleze në nivelin C1-C2 (e obliguar). Njohja duhet të dëshmohet përmes certifikimit nga një institucion i akredituar vendor ose ndërkombëtar ose studime të kryera në një universitet vendor në gjuhën angleze ose në një universitet jashtë vendit në gjuhën angleze”, për pozitën Drejtor i Departamentit për NATO dhe Politika të Sigurisë kërkohet: “Njohje e gjuhës angleze ose gjuhën frënge e në nivelin C1-C2 (e obliguar). Njohja duhet të dëshmohet përmes certifikimit nga një institucion i akredituar vendor ose ndërkombëtar ose studime të kryera në një universitet vendor në gjuhën angleze ose gjuhën frënge, ose në një universitet jashtë vendit në gjuhën angleze ose gjuhën frënge”, për pozitën Drejtor i Departamentit për Organizatat Ndërkombëtare kërkohet: “Njohje e ndonjë prej (6) gjuhëve zyrtare të OKB-së, në nivelin C1-C2 (e obliguar). Njohja e këtyre gjuhëve duhet të dëshmohet përmes certifikimit nga një institucion i akredituar vendor ose ndërkombëtar ose studime të kryera në një universitet vendor në gjuhët e lartcekura angleze ose në një universitet jashtë vendit në gjuhët e lartcekura”, ndërsa sipas shkresave të lëndës respektivisht të dosjes së ankueses të dërguara nga institucioni punëdhënës dhe provave të sjella nga ankuesja, Kolegji ka gjetur se ankuesja nuk ofron një dëshmi të tillë se e njëjta njih ndonjërin nga gjuhët e huaja të kërkuara si në konkurset në fjalë, respektivisht në bazë të CV-së të ankueses vërtetohet fakti sipas vetë deklaramentit të saj se e njëjta e njih gjuhën angleze në nivelin elementar A1, dhe mbi këtë bazë pretendimi ankimor i ankueses është i pabazuara dhe e njëjta nuk mund të transferohet në asnjërin nga këto katër (4) pozita të shpallura të lira, pasi që edhe dispozitat ligjore lidhur me transferimin për shkak të ristrukturimit apo mbylljes së institucionit përcaktojnë kërkesat e veçanta formale sikurse në nenin 54 paragrafi 3 të Ligjit Nr.06/L-114 për Zyrarët Publikë ku përcaktohet se: “3. Në çdo rast shuarje apo ristrukturimi të institucionit krijohet një komision ristrukturimi, i cili shqyrton mundësitë e sistemit të çdo nëpunësi civil në vendet e lira ekzistuese dhe propozon transferimin e nëpunësit në një pozitë të lirë, në të cilën ai i plotëson kërkesat e veçanta. Vendimi përfundimtar i transferimit merret nga njësia e pranimit, në bazë të propozimit të komisionit”.

Po ashtu, Kolegji për Shqyrtimin dhe Vendosjen e Ankesave, gjatë trajtimit të ankesave të tjera ka hasur në një akt administrativ/Vendim me numër:1100/2022 të lëshuar nga Departamenti për menaxhimin e Zyrarëve Publik i datës 13.07.2022 dhe e ka administruar në cilësi të provës materiale pasi që përmes këtij vendimi një nëpunës civil tjetër është emëruar në pozitën: “Drejtor i Departamentit për Planifikim dhe Analiza Socio-Ekonomike Rajonale në Ministrinë e Zhvillimit Rajonal, respektivisht bëhet fjalë për pozitën e njëjtë të cilën e ka rekomanduar Komisioni i Ristrukturimit për Ministrinë e Punëve të Jashtme dhe Diasporës që Departamenti për Menaxhimin e Zyrarëve Publik ta transferojë ankuesen, andaj mbi këtë bazë Kolegji vendos që të shfuqizojë propozimin/rekomandimin e datës 22.04.2022 të Komisionit të Ristrukturimit për Ministrinë e Punëve të Jashtme dhe Diasporës për transferimin e ankueses në pozitën: “Drejtor i Departamentit për Planifikim dhe Analiza Socio-Ekonomike Rajonale në Ministrinë e Zhvillimit Rajonal”, pasi që tani më objekti i çështjes së vendosjes është bërë i pamundur.

Andaj, Kolegji i Këshillit mbi bazën e konstatimeve të dhëna në arsyetimin e këtij vendimi si dhe duke u bazuar në nenin 7 të Ligjit Nr.06/L-114 për Zyrarët Publikë ku përcaktohet se: “Menaxhimi i marrëdhënies juridike me nëpunësit civilë, me nëpunësit e Shërbimit Publik dhe me nëpunësit administrativo-teknikë dhe mbështetës, udhëhiqet nga ligji dhe bazohet, gjithashtu, në parimin e mundësive të barabarta, meritës, transparencës, profesionalizmit dhe paanësisë politike, mos diskriminimit, përfaqësimit të drejtë gjinor dhe të komuniteteve dhe synon garantimin e qëndrueshmërisë dhe vazhdimësisë në detyrë”, dhe në mbështetje edhe të nenit 14 paragrafi 3 të Rregullores Nr.14/2020 për Transferimin e Nëpunësve Civil ku

përcaktohet se: "Komisioni, brenda 30 (tridhjetë) ditëve nga data e themelimit i propozon me shkrim njësisë përgjegjëse transferimin e nëpunësit civil siç parashihet në Nenin 54. paragrafin 2 të Ligjit" pasi që ankuesja ende nuk është transferuar merr vendim që lëndën e ankueses ta ktheje në rishqyrtim tek Komisioni i Ristrukturimit për Ministrinë e Punëve të Jashtme dhe Diasporës me qëllim që lidhur me propozimin për transferimin e ankueses Komisioni të vendos në pajtueshmëri me nenin 54 të Ligjit Nr.06/L-114 për Zyrtarët Publik, mirëpo çdo here duke marr për bazë obligimit ligjore që burojnë nga neni 14 paragrafi 5 i Rregullores Nr.14/2020 për Transferimin e Nëpunësve Civil ku përcaktohet se: "Komisioni gjatë transferimit të nëpunësve civil për shkak të shuarjes apo ristrukturimit të institucionit cakton prioritetin e transferimit dhe mbështetet mbi këto kritere: 5.1. vjetërsinë e nëpunësit civil në shërbimin civil; 5.2. vlerësimet e rezultateve në punë të nëpunësve civilë ; 5.3. kualifikimet profesionale të nëpunësve civilë. 5.4. trajnimet", dhe të verifikojë procesin e propozimeve nëse eventualisht gjatë rekomandimeve për transferimin e nëpunësve të tjerë civil iu është dhënë përparësi ndaj ankueses në kuptim të mos respektimit të kritereve të përcaktuara si në nenin 14 paragrafi 5 nën paragrafit 5.1, 5.2, 5.3, 5.4 të së njëjtës rregullore e specifikuar si më lart, në rastet kur të njëjti i plotësojë kushtet e parapara sipas nenit 54 paragrafi 3 të Ligjit Nr.06/L-114 për Zyrtarët Publik.

Andaj, pas analizimit dhe vlerësimit të të gjitha shkresave të lëndës si dhe duke u bazuar nenin 6 paragrafi 1, nën paragrafi 1.1 dhe nenin 18 paragrafi 1 nën paragrafi 1.6 të Ligjit Nr.06/L-048 për Këshillin e Pavarur Mbiqyrës për Shërbimin Civil të Kosovës, Kolegji vendosi si në dispozitiv të këtij Vendimi.

Vendimi hyn në fuqi në ditën e nënshkrimit nga Kryetari i Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBYMIN CIVIL TË KOSOVËS

Lënda me numër **A.nr.527/2022**

Flakron GASHI

[Signature]
Zyrtar i Lartë për Bashkëpunim Profesional

Eshref SHABANI

[Signature]
Kryetar i Kolegjit

Vendimi i dërgohet:

- Ankueses
- Sekretarit të Përgjithshëm të Ministrisë së Punëve të Jashtme dhe Diasporës;
- Udhëheqësit të Personelit në Ministrinë e Punëve të Jashtme dhe Diasporës ;
- Arkivit të KPMSHCK-së